

中國邊疆叢書第二輯

姚明輝編

蒙古志

(全)

文海出版社印行

資
子
學
PDG

中華民國五十五年六月初版

中國邊疆叢書第二輯

蒙古志附圖

精裝一冊

定價：新臺幣



版權所有

主編者：沈雲龍

發行人：李振華

出版者：文海出版社
臺北縣永和鎮中興街九九巷八號

郵政劃撥戶第二七八四號
電話九二一二六五九號

印刷者：美明美術印刷廠

臺北市康定路二〇二號

經銷者：全省各大書局

內政部登記證內台版業字第〇八〇〇號

影印「蒙古志」前言

沈雲龍

「蒙古志」三卷，姚明燁編。

明燁，字孟燁，江蘇上海人。爲清末民初之著名地理學者。商務印書館早期編印之中小學地理教科書，多出其手，曾執教兩江師範及武昌高等師範，生卒待考。父文棟，字子樑，優貢生，曾充出使日本、英、法等國隨員。

本書係姚氏於光緒二十九年（一九〇三）癸卯，對日本參謀本部所撰「蒙古地志」糾誤而作。本社係根據手抄本影印。原書曾於光緒三十三年（一九〇七）丁未十二月，由上海中國圖書公司排印出版，今已罕見。卷首有「序言」一篇，爲手抄本所無，茲特逐錄，以明其編撰之旨趣，及資料之來源。原序云：

「蒙古地理，嚮推張氏蒙古遊牧記最詳博。日本參謀本部近撰蒙古地志，記載完備，尤爲善本。顧遊牧記獨詳區分沿革，而於山川大勢，氣候寒燠，物產豐裔，凡天然人事之關係人生者，闕如也。蒙古地志，大率取材於我國官私著述，而以彼國人讀我國書，記我國事，又不無毫釐之失。如舊土爾扈特十旗及中路和碩特三旗，已圈入新疆管內，彼於區分章已不具載，而政體，兵制，諸軍中，仍未之刪；又如阿爾泰諾爾、烏梁海二旗，及阿爾泰河兩岸定

wt45/07

邊左副將軍所轄之烏梁海十佐領，皆自同治三年（一八六四）界約折入俄國，而彼書猶著於篇，此其抵牾之尤顯者。

『癸卯春，內弟夏君穎荃（曰璣）偕其友吳君播聲譯蒙古地志稿，郵來相質，嘗爲之釐訂其誤。茲復不揣舛陋，刺取羣籍，編爲是冊，體例一依蒙古地志，內容殆增其半，錄所據諸書如左：

嘉慶會典。總理衙門通商約章。王慶雲熙朝紀政。張穆蒙古遊牧記。何秋濤朔方備乘。馬思哈塞北紀程。余竦塞程別記。方觀承從軍雜記。范昭遠從西紀略。姚瑩庫倫記。李德喀爾喀風土記。龔柴蒙古考略。鄭沅帆中俄界記。錢恂中俄界約輯注。日本人蒙古地志。胡林翼大清一統輿圖。李兆洛一統輿地全圖。洪鈞中俄交界全圖。日本人俄國經營東方部面全圖。家大人喀爾喀四部圖說。』

全書共分位置、山脈、河流、湖澤、沙漠、氣候、派別、區分、都會、人種、政體、宗教、教育、貿易、物產、道路、電線、會計、風俗十九目。然按排印本內容，則於教育之後，尚漏列「兵制」一目，手抄本亦同。所可注意者，即排印本至「會計」而止，「風俗」有目無文，手抄本則全文具在，本社影印寧從手抄本而不取排印本，其故在此。

另排印本原附圖四幅，茲一併影印，以臻完備。

民國五十五年三月三十日於臺北。

蒙古志



蒙古志目次

卷一

位置

山脈

河流

湖澤

沙漠

氣候

姚明輝編

派別

卷二

區分

都會

人種

政體

卷三

宗教

教育

貿易 物產 道路 電綫 會計 風俗

蒙古志目次終

蒙古志卷一

姚明輝編

位置

蒙古在十八省之北地形縱橫廣南盡北緯三十
七度當甘肅省甯夏府中衛縣西南之黃河北
岸北盡北緯五十二度十分當貝克穆河之北
源南北相距十五度十分西盡西經三十度二
十九分當齊桑湖之東部東盡東經十度三十
一分當嫩江會合呼蘭河之點東西相距四十

一度南界直隸山西陝西甘肅四省北界俄屬
西比里西界甘肅新疆東界滿州面積約一千
四百八十四萬一千七百万里

又有青海蒙古不連於上所云者在甘肅四川之
西新疆西藏之東甘肅新疆之南四川西藏之
北南盡北緯三十三度北盡北緯三十七度東
盡西經十四度二十九分西盡西經二十八度
二十九分南北距四度東西距十四度面積約
一百八十萬方里

近世多以英京倫敦為中線
倫敦距中國京師凡百十

六度二十
九分

山脈

蒙古山脈凡二大幹一曰崑崙山脈崑曰阿爾泰
山脈崑崙山脈在青海蒙古與西套蒙古內蒙
古阿爾泰山脈在外蒙古與科布多烏梁海凡
青海蒙古與西套蒙古內蒙古之山皆崑崙之
脈也凡外蒙古與科布多烏梁海之山皆阿爾
泰之脈也二幹皆起新疆西界之帕米爾高原
而自西向東其大者於崑崙山脈為祁連山阿

拉善山陰山興安嶺於阿爾泰山脈為唐努山
杭愛山肯特山

一崑崙山脈

崑崙山蒙古語曰巴顏哈剌山西自新疆入青海
蒙古蜿蜒東行為烏蘭木淪河與柴達木河之
分盤線至札陵鄂陵二湖之西分為三支一向
東南縣互於黃河南岸為烏哈那哈達拉母拖
羅海查克喇峨襍普通克查哈朗拖羅海而巴
顏哈喇茶哈爾巴顏哈喇瑪穆基托恩馬查克

查達巴罕巴顏禿呼馬達巴罕澤巴顏哈拉瑪
穆巴彥哈拉等山嶺而入四川甘肅境為北嶺
之正幹一向正東盤旋於黃河北岸為阿克坦
齊欽巴爾布哈烏蘭得什馬尼都阿拉克薩拉
哈爾濟滂馬車大雪積石等山而大雪山最為
高峻山巔積雪四時不消青海以南此山為冠
一向東北環繞於青海附近為伊瑪圖拜生圖
胡胡色爾格察罕鄂博圖等山而接於祁連是
幹諸山和碩特土爾扈特等旗遊牧所在也巴

顏哈刺山脈崑崙之中幹也層峯疊嶂高入雲霄然水草極饒畜類孳息且多金銀鑛云

祁連山一曰南山崑崙之北幹也分支於青海蒙古之西而沿邊東行與新疆甘肅為界自西向東為阿穆尼厄庫集魯肯歐西喜阿木尼厄岡噶爾等山並大通河東入甘肅凡甘肅之肅州甘州涼州境內諸山皆祁連也山至甘肅古浪縣之南為分水嶺於此有二水南北分流其南流者為莊浪水入黃河北流者為古浪水匯於

白海山勢至此折向東南為松山而接於阿拉善此山之脈橫互東西殆二千里最高之峯有一萬六千尺著名之河流發源於此山脈者甚夥其在北麓為坤都倫布隆吉二河在南麓為黃河支流大通河亦其一也至於細流不遑枚舉山中水草充足畜牧甚便氣候冬溫夏涼蓋樂土也

阿拉善山一曰賀蘭山起於松山北貫長城並黃河而東北為巴克丁阿坦等山內蒙古與西套